

[www.BibleForChildren.org](http://www.BibleForChildren.org)



Genesis 6




Noa aea titnga ga bedane: Noa ei eaba tutui. Be rabu ngan gid panua padengada ngan ado toaiua, ei ele idil eta paeamao mao. Noa ilalala toman ngan Deo ta somisomi inasnasi Deo

ilinge. Ei imata inasnasi

gid panua  
tanoesai ad be  
igera mambe gid

eine panua

papaeamao,  
ngansa gid toa ngada  
oa tasio edap kadonga  
paeamao aea.



Tota Deo ikeo pan Noa bedane, "Gau ga napamukuru panua toa ngada ne tanoelai, ngansa tibur toa ngada ne iuon ngan led kadonga sasat ga paraunga sapaeon.

Ega, gau ga napaeabu ngan tano toa ne, ta gid ga tiduaea."



Tota eao manta bada gid abei goper ta kado lem oaga kapei eta. Eao ga kado bobo etangada iloleai ta sama naraelo gadudunga ga gaot ngan.



Eao ga kado lem oaga  
ga bedane: Oaga aea  
mamarae ga iuot  
sangalima sangaul  
rua leoa  
lima.


Be aea  
babanga ga  
iuot sangaul ede  
leoa rua aea mana.  
Be ipao gadae ga isulug,  
eine ga iuot leoa lima  
leoa rua aea mana.




"Be eao manta bada annga  
imata ede ga ede ta nonoi  
oagaeai, ta iman gid  
masilau ga man ad ga  
gimi ami."



Ta eao ga bada masilau ruangada imata ede ga ede  
ta tidudunga oagaeai, ede aranga, ede taine. Toa  
bedaoa ta irangrang ngan timate mao.



Be gid masilau toa nakeo ga timan tenainga  
aea, nakim eao bada arangaranga lima ga rua  
ga taine lima ga rua. Be gid masilau toa  
kemikemi ngan tenainga mao, eao bada  
ruangada, arangaranga ga taine, ta  
tidae oagaeai toman ngan eao.








Ta Noa ga iadaoa ga  
ele gergeu toman ngan  
adadaoad tiaoa ngan oanga  
kapei ta tidudunga oagaeai.





Ngan rai toa oanga kapei  
iuot, Noa aea rai buno lima  
buno ede (600). Be oanga kapei  
iuot ngan rai toa oa aea taiko rua  
aea, ngan aea ado sangaul igegea lima  
ga rua aea. Ngan ado toaiua, tano  
ipokakai ta eau gadio tanoelai ibeula ga idae.  
Ga gid baba kapeipei mariambai aoad ipokakai  
ta eau gadae mariambai ilele ga isulug.





Tota aoara itap ga isulug tanoelai  
irangrang ngan aea ado ga bong  
sangaul pange.



Eau isum ga idae  
kapei tau ta irobi  
tibur toa ngada oa.  
Be oaga ipatpat  
gadae ngan eau  
igogo.



Be eau isum ga idae kapei ta irobi gid lusi kapeipei  
toa ngada oa. Danga toa ngada oa timamado ngan  
tano mamasa, tiun eau ga timatamate.



Idio ta Deo imata nanan Noa ga gid  
masilau saksak ga masilau mud toa  
ngada oa oagaeai. Ta ikado rai ga  
ilado gadae ngan eau igogo. Ta eau  
kos ga isulug.





Be Noa itado man barur  
ede ta iroro ga ila, ngansa  
iungga iutai kemi, eau  
isulug ga tano imamasa,  
mao maitne.



Be ngan rai toa oa aea taiko rua, ngan aea ado sangaul  
rua igegea lima ga rua, tano toa ngada oa imamasa.  
Idio ta Deo ikeo pan Noa bedane, "Io,  
tota atnan oaga ta asulug tanoelai, eao  
ga adaoam ga lem  
gergeu asingada  
adadaoad."






Idio ta Noa ikado popou  
tenainga aea ngan  
kadonga tenainga ga  
ila pan Maron. Ta  
ibada gid masilau ga gid  
man idanga ede toa Deo  
ikeo ga timan tenainga  
aea, ta idol gid ga tidae  
dingaeai ta dinga inono ga  
timomout ga kus.

Ta iman ele  
tenainga ga  
ila pan.



A vibrant rainbow arches across a bright blue sky, partially obscured by white, fluffy clouds. The rainbow's colors are bright and saturated. In the lower right, a dark grey, rocky volcano rises, with grey smoke or steam billowing from its peak. A white unicorn with a long, flowing mane and tail is perched on the volcano's rim, its body partially obscured by the rainbow's colors. The overall scene is whimsical and colorful.

Ta Deo ikeo,  
"Gau nadol leg  
aoara aea  
mariluangge ga  
idio mariambai  
ngan gid  
laulau,


ta iman kilala  
ngan leg posanga  
tautaunga toa  
narau toman ngan  
gimi ga gid  
masilau."



"Tot aoara aea  
mariluangge ga  
oaine eine kilala  
ngan posanga  
tautaunga toa narau  
toman ngan danga toa  
ngada ne tanoesai."

Leg posanga  
tautaunga toa ne  
ga ienono somisomi  
ga ilalala ga ila.





Oangga nakado  
gid laulau ga iuot  
mariambai, eine  
aoara aea mariluangge  
ga iuot pade, ta gau ga  
matag nanan leg posanga  
tautaunga toa narau toman

ngan gimi ga gid  
masilau imata ede  
ga ede. Tota irangrang  
ngan oanga kapei  
ipaeabu ngan gid  
danga toa matad  
bibita ne pade mao.



Idio ta Deo ikado  
posanga kemi ngan pamatuanga  
Noa ga ele gergeu ta ikeo, "Gimi  
manta apupulou ga aot busa ta  
aparangrang tibur toa  
ngada ne tanoesai."



Noa ele gergeu toa  
tisulug oagaeai toman ngan ei,  
eine Siem ga Am ga Iapet. Be  
Am eine Kenan itama. Noa ele  
gergeu toa tol ne, eine gid  
panua toa ngada ne  
tanoelai tibud.



Ngansa Deo ilolo ikim tau panua toa  
ngada ne tanoesai, ta ilongean Inat toa  
kelede oa, ta oangga sai ilolo matua  
ngan ei, eine ga irangrang ngan  
iduaea mao. Be ei ga ibada  
madonga kemi somisomi  
ga ilalala  
ga ila.



### Rom 3:23

Ngansa panua toa ngada ne tikado kadonga sat, ta tisapir ngan madonga kemi toa Deo ele tarangai.

### Rom 6:23

Ngansa kadonga sasat aea kolinga ila pagimi eine matenga. Be Deo ele tenainga ila pagimi eine madonga kemi somisomi ga ilalala ga ila. Tenainga toa ne inam pagita ngan leda lupnga toman ngan Iesus Kristus ada Maron.

### Ibru 9:27

Panua toa ngada ne manta timate pakelede, ga kus ta tila timadid ngan posanga toa Deo imatai.





## Epesus 2:8,9

Ngansa ngan ele kadonga lolo marum aea kekelen, Deo ibada gimi mulian. Gimi akado danga eta ngan luanga gimi mulian mao, be Deo ibada gimi mulian mambe ele tenainga ila pagimi. Lemi kadonga lolo matua aea eine mambe edap tenainga toa ne ila pagimi ngan. Kadonga toa ne iuot ngan gimi lemi naurata mao. Deo kekelen ikado, ta irangrang ngan eaba eta iparim ngan ei mulian mao.

## Rom 10:9,10

Posanga toa ne ga bedane: Oangga eao posa masaeai ngan aoam ta keo ga, "Iesus ei Maron," ga eao lolom matua mambe Deo ipei ei mulian ngan ele matenga, eine ga Deo ibada go mulian. Ngansa kadonga lolo matua aea ienono lolodai, ta kadonga toa ne ikado ga taot tutui Deo imatai. Be ngan aada, taposa masaeai toa bedaoa, ta Deo ibada gita mulian.



## Ioanes 3:16,17

"Ngansa Deo ilolo ikim tau panua toa ngada ne tanoesai, tailongean Inat toa keledede oa, ta oangga sai ilolo matua ngan ei, eine ga irangrang ngan iduaea mao. Be ei ga ibada madonga kemi somisomi ga ilalala ga ila. Ngansa Deo isula Inat ga inam tanoesai ngan panasnga gid panua mao. Be isula ei ga inam ngan badanga gid mulian.

## 1 Ioanes 5:11-13

Be posanga toa Deo ikado ne, eine ga bedane: Deo ibada madonga kemi somisomi aea pagita. Be madonga kemi toa ne inam pan Inat. Eaba sai toa ibada Deo Inat, ei ibada madonga kemi toa ne. Be eaba sai toa ibada Deo Inat mao, ei ibada madonga kemi toa ne mao. Gau nabode gid posanga toa ne ga ila pagimi panua toa lolomi matua ngan Deo Inat ieda, ngansa nakim aoatai kemi mambe gimi abada madonga kemi somisomi ga ilalala ga ila.



# Otnga Mugaeai 6 - 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Bariai Bible (bch) © 2012, Wycliffe Bible Translators,  
Inc. All rights reserved.

<https://live.bible.is/bible/BCHWBT/GEN/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

